

螢

窗

異

草

長白浩歌子著

第一冊

進步書
局校印

螢窗異草

PDG

螢窗異草提要

此編為長白浩歌子撰相傳浩歌子為尹文
端第六子似村以一秀才終貴介而能注意
著述已為難能可貴全書大段似仿聊齋而
典而不俗繁而多致空中樓閣平視例者惟
恐其盡較之倉山一老隨筆揮寫之新齊諧
不啻小巫之見大巫坊刻多訛奪茲特校而
刊之

螢窗異草初編序

稗官有三一說部一院本一雜記又有二種大儒之語錄不與焉其搜求典墳博覽載籍引今證古發為偉論非第為詩文之助直可羽翼子史尚矣其記載時事傳述見聞舒廣長之舌門雕鏤之心說鬼搜神事不必問其虛實探蹟索隱文不必嫌夫詭奇仰齋諧為談宗慕虞初而志續如杜甫之寄託風情李伯時摹繪玩具亦足以消長日却睡魔固不失雅人深致矣世俗陋儒冒無墨潘動謂立言務黜浮華以為補救人心挽回風氣起見則六經廿二史聖賢遺訓班班可考又何必如許迂腐陳言狗尾續貂耶客有以螢窓異草抄本見眎歎署長白浩歌子未悉為何時人或稱為尹六公子所著顧隨園老人評語的係附會其書大旨酷摹聊齋新穎處駸駸乎升堂入室雖有類小說家言弗足為文人典要而以之消長夏却睡魔固無不可也賢於近時所刻見聞隨筆遠矣尊聞閣主人仿聚珍板刷印行世問序於余爰作質直語告之嗚呼凡人有心作關係文字轉不若里巷歌謠足以啟發心思耐人尋味也斯言惟具性靈者乃可與共印證耳

光緒三十一年莫春梅鶴山人序於海上鵲鶴一枝軒

螢窗異草初編目錄

卷一

天寶遺跡

卜大功

金三娘子

玉鏡夫人

賈女

桃花女子

紅鞋

毒餅

翠衣國

癡婿

犬婿

田鳳翹

劉天錫

卷二

桃葉仙

馮璉

昔昔措措

溫玉

睡姬

張仙

守一女

柳青卿

珊瑚

白衣庵

卷三

魂靈

妬禍

李念三

訾氏

假鬼

銀鍼

廢硯

落花鳥

貨郎

化家

縫裳女

火龍

青眉

王秋泉

卷四

胎異

夏姬

郎十八

三生夢

固安尼

無常鬼

蘇緒

衛美人

苦節

狐姬

螢窗異草初編卷之一

長白浩歌子著 武林隨園老人評

天寶遺跡

驪山之陰有石洞。其額曰天寶遺跡。以石為扉。堅不可破。人亦莫知。其所有。故明正統年間。門忽有裂。寬僅尺許。有芻蕘者見之。歸以語其鄉人劉瑞五。己則惴惴焉未敢入也。瑞五幼讀書。性豪縱。有古俠士風。聞之。欣然欲往。乃約里中喜事而好奇。兼饒胆識者。共得五人。攜酒食獵具而行。至則山徑崎嶇。荆榛塞路。攀附而後上。及見洞口。白石磷磷然。滑膩光澤。如有人經行者。心竊異之。又行里許。始達其穴。由隙而窺之。其中窈窕而深黑。一無所見。怯者即欲言旋。其勇怯半者亦未敢言入。獨瑞五奮臂大呼曰。不探此奇。歸有何趣。乃篝燈燃炬。踴躍以前。遂先入。繼之者又僅得三人。差可駢肩。漸深而能容駟馬。兩旁皆石壁。潔白晶瑩。以火燭之。彷彿如有繪畫。瑞五顧謂衆曰。境殊不惡。何怯為。益深入之。窮其奇。曲折數武。便得一門。其扉以青玉為之。隸書數行。墨迹猶新。其衆以炬照而讀之。其略曰。朕與妃子每遇盛暑。避熱此間。共享洞天之福。於茲五年矣。風流瀟灑。不啻神仙。漢武白雲鄉。遂非所羨。但恐千秋萬歲後。罕有知吾兩人相得之懽者。爰命良工。置石像於內。以流傳不朽。間與妃子

流覽其中。不禁相視而笑。幾忘其身之非石也。未暑天寶十年秋七月御筆始知為明皇所書。及轉屏後大可數十楹。中置寶座。僅虛位。尚無他奇。左為曉粧閣。一石美人挽髮對鏡。倦態堪憐。旁二宮娥。一捧匳器。側立而欲前。一代妃捧髮跪而持之。貌甚恭謹。妃首微迴。似有所語。眉目皆入畫。妃後立一人。唐巾便衣。髻鬢微將。則開元皇帝像也。情形態度宛然相親。衆覽之。無不欣欣欲笑。其右為浴池。以綠玉為水。波紋蕩漾如活。旁立二人。執巾捧悅。眉睫間微含笑意。帝與妃皆以白玉為體。帝白身游戲水中。僅沒其臍。下坐而側首。以目招妃。狀似欲言而匿笑。妃坐小石牀。亦裸其上衣。酥乳輕圓。麝臍微露。無不厯厯可見。然而低黛雲鬟。容如腴腴。且以纖手捫綉帶。一似欲解而不勝其羞者。由裳而下。雙鸞則已盡赤矣。瑞五與衆孜孜諦視。方將深探其秘。而舉首遙睇。帷幙儼然。俄聞大聲發於其內。如崩石。且冷氣砭人。肌皆生粟。遂股慄欲返。雖瑞五之豪邁亦凜乎不可獨留。比出洞門。三人中已仆其二。面色青碧。口皆流涎。狀如中毒。乃大驚扶掖下嶺。踉蹌而歸。至夜俱暴卒。家人因知其由。遂涉官訟鞫。瑞五具陳本末。命吏驗之。信然。乃薄責而遣之。因以泥封其洞。且鑿其額以滅其跡。然在樵夫牧豎猶能識之。洎乎天啟末年。雷震其穴。亂石嵯峨。已渺不知其處。

外史氏曰。余嘗怪明皇為一代風流帝王。驪宮之造。選勝蒐奇。豈無雪洞雲樓之勝。而僅

以土木侈其觀。且阿環素豐於肌性。必畏暑。又豈無清涼世界。以安此弱質哉。及聞此事。于瑞五後裔。雖荒誕不經。而未始不可補開元遺事。故存其異而解之。以俟世之問津者。隨園老人曰。刻畫奇詭。幾與聊齋相埒。然曰喜事好奇。兼饒胆識。方可以與此。則已得山水三昧矣。世無瑞五其人。不免皆門外漢。

卜大功

明季張獻忠作亂。湖南有裨將曰馬雄飛。能挽五石之弓。善為左右射。獻忠恆寵遇之。賞予獨厚。馬故燕人。與涿郡卜大功相友善。卜亦孔武有力。尤通文詞。年二十。即廢書而歎曰。士生用武之世。甯為萬人敵。殺賊取斗大金印。何屑屑事此毛錐耶。聞者咸壯其志。馬既從獻忠。寵冠一軍。自以為不世之遇。乃使人馳書召卜。卜忿然作色。面叱來使曰。渠以予首亦當賣耶。第念故人情。不執汝赴官。汝宜亟去。遂不發其書而遣之。其剛介如此。後以應募從征。天下兵護衛諸陵。卜被徵渡淮。與獻忠戰於滁泗。斬馘甚衆。究以北人不慣舟師。致為賊所獲。獻忠愛其勇。乃使馬以利害說之。卜見馬來。閉目不視。馬執手泣曰。故人何不幸至是。卜忽張目而語。皆盡裂。謂曰。余向與爾狩獵山中。競逐一狡兔。爾顧謂我曰。大丈夫立功國家。得

賊當如得此。曩時之意氣何盛耶。言猶在耳。爾既從賊。今尚得以故人目我哉。馬語塞。慚沮而退。終以綈袍戀戀不忍於心。因說詞以覆獻忠。謂卜色厲而內往。倘軟困之。不浹旬可得。獻忠信其言。遂囚卜於土室。守以健卒。飼以草具。將俟其窮而收之。卜求死不得。乃絕粒以待斃。夜坐室中。吟以見志。甫哦曰。去國離鄉事鼓鼙。滿拚頸血染虹霓。餘韻未已。俄聞窗外續曰。江流不葬英雄骨。好逐青鸞過越西。其音嬌婉。不類男音。卜以為異。聳然而聽之。又聞胡言曰。良馬一蹶。終致千里。大丈夫何不自振拔。乃欲效無益之死。言已竟。破扉入視之。則一女郎。年甫及笄。衣裳甚都麗。貌亦艷絕。錯愕間。女郎檢衽啟曰。憐君忠節。敬來相救。可從妾出此虎口。卜驚喜。不服交談。幸賊中無桎梏。女郎竟攜之行。將出。復反曰。不可使鼠子知我。乃取袖中彤管。大書數字於壁。呼曰。去去。遂悄然而出。視守者伏如沈醺。相與枕藉地下。卜亦莫解。去賊里許。即長江。早有小鬟艤舟以待。女郎促卜同登。揚帆而南。瞬息百里。舟雖僅容三人。而波浪兼天。穩如磐石。卜驚魂少定。始謝曰。感承援手。出予雉羅。敢請芳名仙居。以為異日酬恩之地。女郎聞言。以橫波睇之。微笑曰。君猶未喻妾意耶。詩所謂青鸞者。即我是也。將與君翱翔天表。永效雙飛。何謝為。卜始默會其指。喜出望外。遂曰。一介武夫。馬齒且長。烏足以當此青盼。女郎笑曰。君烈士。妾貞姬。正合為偶。豈效兒女子沾沾較量於年貌哉。

因自白其姓氏。則馬家少女。無字。越之會稽人也。卜又詰其顛末。女郎笑勿答。舟行次采石。天方達曙。女郎命鬟治具。未見烹炮珍饌。羅几卜食之。至飽飯已。女郎令卜小憩。解纜復行。及寤而詢之。則已抵錢塘江矣。攬袂而起。晚潮適至。澎湃之聲。儼然萬千鐵騎。蜂擁而來。卜未習此駭極。女郎語之曰。此子胥一怒之威。君獨未聞之乎。逆流而上。雪浪拍空。毫無所懼。有頃曰。去妻家伊邇。可以登岸矣。卜從之。回視小鬟。倏忽與舟俱沒。卜益異之。聯袂而行。約半里。得一村。水環木繞。風景頗佳。入村而北。東向一巨宅。門闌修整。棟宇高華。檐際有青字石額。顏曰泰戎府。女郎囑卜曰。君至妻家。勿擾。說任妻所云。不然。事且敗。卜領之。忽一少年。緩帶輕裘。自第中出。見女郎。愕然曰。妹何徒步而歸。父事將若何。女郎涕洟曰。父不幸歿於王事。廬州已陷為賊巢。妹賴將軍力。相攜至越。此齊東之卜守府也。少年聞言大慟。肅客入賓館。不暇為禮。偕女郎入內。卜茫然默坐外舍。聞第中號咷悲戚。爾許時方止。又有頃。少年出。則已易編衣素冠矣。形容慘淡。血淚盈眶。揖卜而謝之曰。適聞凶計。痛割五中。慢客不能無罪。今奉老母命。請君一晤。敬來奉肅。卜從之。入至庭。見婢媼擁一婦人。年可四十許。降階而迎曰。未亡人不克從夫殉國。殊深慙報。小女子重賴提攜。遠脫陷穽。高厚難酬。語已再拜。卜知為夫人。然喻女郎意。不欲質言。唯唯遜謝而已。夫人延客坐。茗甫一獻。起曰。婚媾之約。

未亡人既已洞知。請郎且就甥館。俟為先將軍成服。敬當如命。卜知姻事克諧。起謝。且請以
壻禮見。夫人含戚而受之。令人囊除側室。館壻於廳事之左。供張維豐。卜私詢臧獲。始知馬
公諱中驥。即廬州殉難者也。蓋馬本世族。以武科起家。歷任至叅戎府。有二妻。一攜之任。一
在家居。女郎即從任者所生。故在衙署。少年則其異母兄也。翌日。公子與母表姪受吊。設祭
招魂。卜為代紀喪務。戚族皆以壻目之。盡七後。夫人與子計。效楚界羊之故事。擇吉贅卜
於家。花燭之夕。卜謂女郎曰。子實生我。而謂子賴我以生。受之殊覺汗顏。女愀然曰。妾有隱
衷。懼駭聽聞。未敢輕洩。今名分已定。妾不忍欺。且君亦當世之豪。言之諒無所恐。因泣白曰。
妾非人。實鬼也。生前從父蒞任廬州。甫二年。遭獻忠之亂。父歿於疆場。城亦繼陷。舉室驚竄。
老母投繯死。妾正欲自裁。而賊眾已集。其將有馬雄飛者。悅妾姿容。將施強暴。妾給之。俟賊
少懈。遂投督井。自隕其身。及歸地下。遇家嚴。乃知射吾父者。即是賊也。因懷忿。不欲往生。感
荷孤山小姑。憐妾苦節。賜以煉形之術。名列鬼仙。謂妾命中合受一品誥。且父仇可復。妾因
辭姑行。出君於甕。藉手以報吾親。昨往鳳淮。賊已授首。不共之仇。已雪矣。卜聞言甚驚。然亦
無懼色。詢其復仇之狀。答曰。妾前題壁云。縱囚者馬也。獻忠見之。果疑雄飛與君有舊。不俟
其辭而誅之。妾至賊所。渠已懸首於轅下。又問小鬟何人。曰。此小姑之侍兒也。不然。豈能履

水如康莊。且俄頃數千里哉。言次相扶入幃。解衣共枕。交合之際。閨體宛然。益為愛重。三朝夫人為之張筵大會諸眷。嗣是倡隨甚懽。彌月後女謂卜曰。廬郡人來必洩吾事。此地不可久居。乃託卜思鄉井。買舟欲歸。母兄挽留不住。贈錢千緡。遂徙於秀水。卜宅於鄉。時有小寇竊發。卜治戎具。彎弓驟馬。連殺數賊。寇皆奔。里人藉以無虞。後撫軍召募。卜欲往。女沮之曰。時尚未可。請與妾隱。時至可以有為。卜從其言。迨本朝定鼎。卜始出。累建奇勲。任至總鎮。女果受封。順治辛卯。蒞任湖襄。擒獻忠餘黨數人。詢以雄飛果以卜故被戮。傷之為設位以祭。且謂其僚屬曰。彼志非不大。但惜目無瞳子耳。卜年七十猶矍鑠。生子二人。皆成武進士。及卜卒。太夫人獨居一室。至夜忽不見。家人有知其事者。以謂從小姑仙去。遂具冠帔葬于卜氏之墓。

外史氏曰。物以類聚。良非偶然。觀卜對馬數言。至今猶凜凜有生氣。雖女之貞烈有不降心以相從哉。顧同一人也。或為忠臣。或為淑媛。其不肖者。乃陷身於寇盜。卒為所誅。卜云。目無瞳子。終屬為友。飾非之論。豈其然乎。拙哉雄飛。何如雌伏。

金三娘子

丹徒周生玉聲。少奉呂仙甚虔。為子歲將赴南闈。因禱之。旋於硯匣中得片紙。硃書二句曰。

功名祇問三娘子。不待朱衣暗點頭。玉聲行三疑出其妻之口。遂於燕私時。突然問之。妻未及料。遽應曰。中中生大悅。以為聯捷之兆。欣然發軔。而不知仙意之所在也。及省試畢。揭曉竟落孫山。頗悵仙之誑。已未幾。家郵踵至。則其妻病在牀蓐。奄奄待斃。遂兼程而歸。抵家。素禧已挂矣。撫膺大慟。嗒焉若喪。又值場屋潦倒之餘。百憂交集。往事早不在念。閱數月。忽憶仙言。頓悟曰。予在雁行。雖以三稱。然列諸兄之次。則十有二矣。所謂三娘子者。或別有其人。向特未及詳察耳。乃更禱於仙。絕無影響。久之。獨處無聊。因往淮上訪所親。將以覓緣。瀕行。夢中忽見前二語。則餘字宛然。惟三字燦若赤金。覺而記憶不忘。究亦莫解其故。舟行。次某縣。有姊適江村民家。停舸省之。登岸獨行。未里許。葦塘中有人偶語曰。金三娘子。天上人。那得便偶窮措大。又一人曰。冥數果應合。措大亦正不窮。生聞而心動。視之。二人狀類漁家。跣足戴笠。自葦中出生。亟前致詢。答曰。東行二三里。北向有巨宅。叩之。當有知。我等不暇。勿能為子導。然亦相見不遠耳。語已。匆匆前去。生思其言。與仙語符合。是一生祿籍姻緣。胥在此矣。遂不慮荒渺。覓路而行。前至一處。茂林陰翳。棟宇巍峨。華屋北向。朱門洞開。近而款之。無應門者。舉步逕入。越過粉垣。聞人聲。叱曰。何處少年。擅入人宅第。法當笞。驚而諦視。則一姬含笑自庭中出。華髮鮮衣。目炯炯有光彩。生自覺唐突。而幸姬無怒容。乃揖而告之曰。日暮

迷途無所棲止。浼借一宿。不識姪姪允否。嫗熟視良久。徐曰。余家固有閒屋。即以寓秀才郎。亦一佳話。導之入東側一夾弄。甫數武。別有院落。其中精室三楹。四圍雜植花木。門掩簾垂。絕其幽雅。嫗自啟扇延客入室中。牙籤滿架。四壁圖書。一牀一几。淨無纖埃。恍若因賓而設者。嫗一呼。旋有老僕以茗入。嫗遂出戶去。生頗疑訝。更自笑其笑如之甚。然既至此。不應去之太速。躊躇之際。周覽壁間詩畫。均極古雅。並有霞牋一聯。大書十字曰。鳴鸞金作佩。揮麈玉聞聲。其款則回道入筆也。大駭。適老僕以酒肴來。因以叩主人官閥。并其氏族。俛而不答。堅詰之。則曰。君聞所聞而來。何復諄諄下詢耶。生竊喜。以為即金三娘子者。一時都無所慮。欣欣然舉卮肴核甘美酒。復芳冽異常。少酣。老僕以異果至。且曰。此娘子手自摘者。願以奉君下酒。生益悅。食之。清香沁肺。麴蘖無力。既喜其情。但未識其貌。不免忐忑。無何。燒燭檢書。漏下二鼓。及寢。老僕進衾枕。香綿錦綺。軟骨薰心。生反側不安。竟夕無寐。晨起。老僕殷勤奉匜。且言曰。由此室東去。有園亭頗可娛目。無憂悶倦也。生益狂喜。不俟朝餐。即往游覽。甫逾一檻。豁然別有佳境。亭臺掩映。布置皆有畫意。奇花數百本。五色繽紛。異香馥郁。門艷於疎籬之下。因樂而忘返。益深入之。俄聞佩聲環韻。似有人來。生匿跡樹側以窺之。侍婢數人。媽紅。姹紫。或以簾。或以巾。撥採花卉。最後則前嫗隨一麗人。年可十七八。晨粧嫵媚。貌可傾城。

而一肌一容俱為生平所未睹。生已神魂失據。麗人自摘一花將簪於髻。婢即以鏡進。立而顧影。態有餘妍。行且方將趨出相見。嫗忽指曰。碧桃花樹後有人。阿姊宜迴避。麗人轉身卻步。生恐其逃歸。亟離樹呼曰。現金身使人病渴。忍竟舍之而去耶。麗人以橫波微顧。且笑且羞。乃小語囑嫗曰。木已成舟。好事亦在旦晚。急色相使人頗不耐。以簾障面。曼立低鬟。嫗前致詞曰。娘子本上界謫仙。數合配君。故構宅第於此。預以相待。君能無惑于人言。當訂永好。生心已無主。欣然諾。麗人去扇相見。遂并坐於小軒之內。命婢供饌。相與對食。生此時已儼然溫存嬌媚矣。飯已。麗人謂生曰。佳偶由天。且重以呂仙作伐。本宜即成嘉禮。但前程錦片。不敢以燕爾悞郎。今付君黃金百斤。佐以幹僕。往遊帝都。當有奇遇。統候鵬搏。克遂始能。駕夢無憂。君勿以愆期怨妾也。語已。使嫗喚二人來。生視之。雖故矮帽青衣。狀類臧獲。實即葦塘相見者。訝之。亦不敢言。麗人諄囑兩价畢。促生啟行。生雖不欲。而迫於大義。不得復戀。溫柔至江。另有扁舟。俱設備具。遂揚帆行。兩价雖名網紀。意態倨侮。一切並不關白。生以相從謀事。隱忍安之。緣江北來。過門不入。生詢兩价姓氏。一解一楊。而踪跡率多詭異。無敢究詰。一日將過天妃廟。聞自北來者語曰。某公子閤舟覆沒。撈救無從。風水當自慎。生甚惴惴。二僕顧而笑曰。此奇貨可居也。解竟跳入水中。生欲號楊亟止之。以手舟行十餘里。見解負一

人科頭麗服。跋浪而來。登舟置之鷁首。拯救之。遂復活。楊又以意授生。進以新衣。飲以美醢。其人精爽如故。詢之。知係某公子。其父某公。為都中巨官。甚有文名。公子以事歸江左。適罹水厄。生慰之情。意懇摯。且曰。兄既及溺。復生。不可再履不測。尋市鎮。為覓健驛數頭。并招得其從者。復整衣裝。潤其行色。約費數百金。公子感激涕零。知其北上。乃修函與父。祈以骨肉善視之。揮淚別去。及至京。以書謁公子父。公悉其拯救之德。延至宅內。待以上賓。間與之指授書義。披竅導竅。度以金鍼。生經宗匠之手。造詣日進。益以公方。竟以北籍登鄉薦。因益重解楊。與同寢食。明年。將赴南宮。公聞其文。未嘗首肯。生亦切切隱憂。楊忽引一人至。青袍塵漬。不知誰何。解先驅入室。囑生待以優禮。贈以巨金。生從其教。詢厥姓名。則王孝廉素號達人。因貧而落魄者也。生念係同袍。亦不以介意。及在禮闈中。竟與比屋。王感德不置。生首藝甫。成王取視之。以為未能入彀。乃舍己業。為生代庖。逾時。三草立就。囑曰。君才十倍曹植。但未能投時所好耳。吾思報吾鮑叔。不嫌孟浪。可否宜自擇之。生玩其所作。實大聲宏。坦然登之於卷。俟王事竣。相偕而出。質之某公。莞爾而笑。許以高魁。榜出。果登上選。王亦獲雋。殿試首列詞林。因思金三娘子之盟。亟欲乞假錦旋。解止之曰。娘子固在燕京。何假外求耶。輒為之議婚於巨族。則某公之姻婭也。公方為撮合。生雅不欲。而解楊堅囑勿辭。生終怏怏不樂。迨

至青廬之中。新婦之姿態絕類伊人。生奇之。夜深婦自白曰。君識妾乎。固即金三娘子是也。蒙呂仙作合。深恐有招物議。故假一帆風。使君逕登雲路。適某家之女。數合早夭。妾得假此塵軀。以奉巾櫛。庶幾顯然婚嫁。俾人無從置喙矣。生始大悅。益相綢繆。惟然達旦晨起。解楊不知何往。生亟以詢之。新婦答曰。功成者退。理所宜然。況此二人皆水仙。為呂仙所命。妾本與為同儕。非能役之者也。生乃悟。因刻其像。祀於呂仙之側。三娘子克相其夫。蜚聲館閣。與某公父子往來如至戚。知其事者。甚數。羨不置云。

外史氏曰。世之為機變者多。曰燒冷竈。王聲之飛黃騰達。卒皆從於冷竈中得來。仙乎仙乎。何不遠世情如此。至三娘子。毫無奇處。惟侃侃數言。有類于晉文之姜夫人。然亦兒女怕羞之恆態。餘則貪仙之功。以為己力。不亦幸乎。呂仙靈蹟。世所多有。吾於此又見一斑。

玉鏡夫人

臨淄王友直。善樗蒲。一擲百萬。無少負。以是裕其家。稱巨富焉。中年棄其博具。遨遊江海間。豪俠自喜。憂人之憂。急人之急。人因以杜李良擬之。甲子夏。挾資萬餘。將適閩楚。舟次洞庭。阻風不得進。泊於湖上。抱悶者數日。一夕陰晦異常。秉燭獨坐。夜將半。思欲就寢。忽聞簾聲。清越恍在隣舟。心為之一動。方將命人伺聽。俄有二青衣。齒雅容秀。直入艙中。啟曰。家主君